

弘明集卷第十

八十

梁 釋 僧祐 述

大梁皇帝勅答臣下神滅論

莊嚴寺法雲法師與公王朝貴書

并公朝

答 貴

大梁皇帝勅答臣下神滅論

八十

位現致論要當有體欲談無佛應設賓主標
其宗旨辯其短長來就佛理以屈佛理則有
佛之義既躡神滅之論自行豈有不求他意
妄作異端運其隔心鼓其騰口虛畫瘡痂空

永樂北藏

弘明集

致詆訶篤時之蟲驚疑於往來滯蹙之鼃河
漢於遠大其故何也淪蒙怠而爭一息抱孤
陋而守井幹豈知天地之長久溟海之壯闊
孟軻有云人之所知不如人之所不知信哉
觀三聖設教皆云不滅其文浩博難可具載
止舉二事試以為言祭義云惟孝子為能饗
親禮運云三日齋必見所祭若謂饗非所饗
見非所見違經背親言語可息神滅之論朕
所未詳

莊嚴寺法雲法師與公王朝貴書

并公王朝貴
六十二
八答

第一三七冊

主上答臣下審神滅論今遣相呈夫神妙寂
寥可知而不可說義經丘而未曉理涉旦而
猶昏主上疑天照本襲道赴機垂答臣下旨
訓周密孝享之禮既彰桀懷曾史之慕三世
之言復闡紂協波淪之情預非草木誰不歌

歎希同挹風猷共加弘讚也釋法雲呈

臨川王答

得所送勅答神滅論伏覽淵旨理精辭詣二
教道叶於當年三世棟梁於今日足使迷途
自反妙趣愈光遲近寫對更具披析蕭宏和

南

建安王答

辱告惠示勅答臣下審神滅論天識昭遠聖
情淵察伏覽玄徽實曉庸昧猥能存示深承
篤顧偉和南

八十

二

長沙王答

惠示勅答臣下審神滅論睿旨淵凝機照深
邈可以筌蹄惑見訓誘蒙心鑽仰周環洗滌
塵慮遂能存示哉春良深蕭淵業和南
尚書令沈約答

神本不滅久所伏膺神滅之談良用駭惕近
約法師殿內出亦蒙勅答臣下一本權受頂
戴尋覽忘疲豈徒伏斯外道可以永摧魔衆
孔釋兼弘於是乎在實不刊之妙旨萬代之
舟航弟子亦即彼論微歷疑覈比展具以呈
也沈約呈

光祿領太子右率范岫答

岫和南伏見詔旨所答臣下審神滅論睿照
淵深動鑒機初敷引外典弘茲內教發蒙啓
滯訓誘未悟方使四海稟仰十方讚抃異見

杜口道俗同欣謹加習誦寤寐書紳惠以逮
示深承眷憶范岫和南

丹陽尹王瑩答

辱告伏覽勅旨神不滅義睿思機深天情雲
發標理明例渙若冰消指事造言赫如日照

八十

三

用啓蒙愚載移警戒凡厥舍識莫不挹佩謹
以書紳奉之沒齒弟子王瑩和南

中書令王志答

辱告伏覽勅答臣下神滅論旨高義博照若
發蒙弟子夙奉釋教練服舊聞有自來矣非

唯雷同遠大贊激天旨而已且垂答二解厭
伏心靈藻燭聞見更不知何以闡揚玄猷光
彰聖述且得罔象不溷於真內外無紛如之
滯寔懷嘉抃猥惠來示佩眷唯深王志和南
右僕射袁昂答

辱告并伏見勅答臣下審神滅論奉讀循環
頓醒昏縛夫識神冥漠其理難窮粵在庸愚
豈能探索近取諸骸內尚日用不知況乎幽
昧理歸惑解仰尋聖典既顯言不無但應宗
教歸依其有就有談有猶未能盡性遂於不

無論無斯可遠矣自非神解獨脫機鑿絕倫
何能妙測不斷之言深悟相續之旨兼引喻
二證方見神在曠然求之三世不滅之理彌
者可謂鑽之彌堅仰之彌高者也方使衆惑
塵開羣迷反路伏誦無斃舞蹈不勝弟子袁

昂和南

御尉卿蕭昂答

辱告并伏見詔答臣下審神滅論夫三世雖
明一乘教遠或有偏蔽猶執異端聖上探隱
索微凝神繫表窮理盡性包括天人內外辯

析辭旨典奧豈直羣生靡惑實亦闡提即曉
方宣揚四海垂範來世惠使聞見唯深佩服
孤子蕭曷頓首和南

吏部尚書徐勉答

天旨所答臣下神滅論一日粗蒙垂示辱告

八十

四

重送伏加研讀窮理盡寂精義入神文義兼
明超深俗表詳求三世皎若發蒙非直謹加
誦持輒令誑之未悟惠示承春至弟子徐勉
和南

太子中庶陸杲答

杲和南伏覽勅旨答臣下審神滅論夫從無
住本在默阻思伏如來藏宵絕難言故使仲
初建新火之執宣遠廣然滅之難傳疑衆談
踏淪曠稔宸聰天縱聖照生知了根墜藥隨
方運便遂乃辯禮矯枉指孝示隅良由迷發
俗學使俗以洗沉道惑資外文即就外以明
內任言出以出奇因所據理固以城壘三世
負荷羣生現在破闇當來擱網一牘之間于
何不利片言之益豈可覩縷生因曩慶至德
同時預奉餘論頂戴踊躍惠示不遺深抱篤

念陸杲和南

散騎常侍蕭琛答

弟子琛和南辱告伏見勅旨所答臣下審神
滅論妙測機神發揮禮教實足使淨法增光
儒門敬業物悟緣覺民思孝道人倫之本於

茲益明詭經亂俗不撓自壞誦讀藻扞頂戴

八十

五

不勝家弟閭短招愆今在北理公私煎懼情
慮震越無以仰讚洪謨對揚精義奉化聞道
伏用悚怍眷獎覃示銘佩仁誘弟子蕭琛和
南

二王常侍彬絨答

辱告伏見勅旨答臣下審神滅論聖思淵凝
天理孤絕辯三世則釋義明舉二事則孝道
暢塞鑽鑿之路杜異途之口足使魔堞永淪
正峯長峻弟子伏膺至道預奉天則喜躍之
心寧復恒准王彬絨頓首和南

太子庶子陸煦答

猥辱逮告伏見至尊答臣下審神滅論俯仰
膜拜徘徊空首竊聞聖惟一揆唐虞未有前
言知幾其神今日獨奉梁詔道載則萬有擗

其淪迷德壽則九服揚其照筮方旨振民育
德百年均其攝受勞民動物千古咸其折伏
法師智深決定受持之持僉允志洽通敏承
神之神諧克陸煦和南

黃門郎徐緄答

緄和南辱告非逮示勅答神滅論伏覽淵旨
疏心蕩累竊惟希夷之本難尋妙密之源莫
覩自非上聖無以談其宗非夫至睿焉能導
其極皇上躬神體寂鑒道居微發德音則三
世自彰布善言而千里承響誠叶禮敬義感

永樂北藏

弘明集

人祇理扇玄風德被幽顯悠悠巨夜長昏倏
曉蠢蠢愚生一朝獨悟勵鹿苑之潛功澍法
流於日用鴻名永播懋實方馳迷滯知反淪
疑自息弟子歸向早深倍兼抃悅輒奉以周
旋弗敢云隆但蠱測管窺終懷如失耳徐緄
和南

八十

六

侍中王暕答

枉告并奉覽勅答臣下審神滅論聖旨玄照
啓寤羣蒙義顯幽微理宣寂昧夫經述故身
之義繫叙遊魂之談愚淺所辯詳已爲非滅

第一三七册

況復睿思弘遠盡理窮微引文證典渙然冰
釋肉眼之人虔恭迴向惑累之衆悛改浮心
發明既往訓導將來伏奉淵教欣蹈罔已王
暕和南

侍中柳惲答

辱告惠示勅所答臣下神滅論夫指歸無二
宗致本一續故不斷釋訓之弘規入室容聲
孔經之深旨中外兩聖影響相符雖理在固
然而疑執相半伏奉淵旨照若發蒙顧會玄
趣窮神知寂測情盡狀天地相似千載闕疑

從春水而俱泮一世顛倒與浮雲而俱開祇
誦環徊永用懸解存及之顧良以悲哉弟子
柳惲頓首白

常侍柳愷答

辱告惠示勅答臣下審神滅論淵旨冲邈理
窮幾奧竊以修因趣果神無兩識八由道得滅七
佛唯一性般人示民有知孔子祭則神在或
理傳妙覺或義闡生知而揚墨紛紛徒然穿
鑿凝滯逐往將掩名教聖情玄覽理證無間
振領持綱舒張毛目抑揚三代汲引同歸實

假雙祛朗然無礙伏奉循環疑吝俱盡來告
存及悲抱唯深柳橙頓首白

太子詹事王茂答

茂和南辱告伏見勅旨答神滅論頂戴欣懽
不及抃舞神理悠曠雖非建言所極列聖遺
文炳然昭著莫不撫枉虔襟式遵彝典豈可
妄陳虛矯厚誣前誥謂來緣之不期棄享薦
之至禮迷路茫茫歸塗靡薄苦空一到有悔
無追主上舍明體聖妙窮真假發義照辭舟
航淪溺豈唯天人讚仰信亦諸佛迴光弟子

夙昔棲心本憑淨土數延休幸預逢昌世方
當積累來因永陶慈誘藻悅之誠非止今日
未獲祇敘常深翹眷比故循詣此白無伸王

茂和南

太常卿庾詠答

辱告惠示至尊答臣下神滅論伏覽未周煙
雲再廓竊惟蠕動有知草木無識神滅賢論
欲以有知同此無識乃謂種智亦與形骸俱
盡此實理之可悲自非德合天地均大域中
屬反流之日值飲化之幾則二諦之言無以

得被三世之談幾乎息矣聖上愍此四生方
淪六道研校孔釋共相提證使窮陸知海幽
都見日至言與秋陽同朗羣疑與春冰俱釋
雖發論弘道德感冲襟而預聞訓誘俯欣前
業法師服膺法門深同此慶謹當鑽味吟誦
始終無斃弟子庾詠和南

八十

八

豫章王行事蕭昂答

辱告宣示勅答臣下審神滅論聖旨披析使
惑者渙然神之不滅著於通誥理既渺默故
致有迷主上識照知來鑒踰藏往摘機外之

妙思攻異端之妄說又引禮經取驗虛實孝
敬之道於此方弘孤子蕭昂頓首和南
太中大夫庾曇隆答
辱告伏見主上答臣下審神滅論昏蒙啓悟
燦爾照朗夫至理虛寂道趣空微上聖極智
乃當窮其妙實步浮生自不辯深達玄淵如
聞立論者經典垂訓皆是教跡至於在佛胡
書詭恠難以理期此則言語道斷仰勞聖思
爲臣下剖釋羣情豈不欣讚銘挹明旨抱用
始終法師曲誨彌增慙載弟子庾曇隆和南

太子洗馬蕭靡答

惠示勅答臣下審神滅論披覽未周情以抃
悅主上凝神天縱將聖多能文奧不刊辭溢
繫表義證周經孝治之情爰著旨該釋典大
慈之心彌篤謹置之座隅陳之机枕寢興鑽
閱永用書紳班示不遺哉眷良厚弟子蕭靡
和南

御史中丞王僧孺答

辱告惠示送主上所答羣臣仰諮神滅論伏
覽循環載深鑽奉發蒙祛蔽朗若披雲竊以

事蘊難形非聖莫闡理寂區位在愚成惑若

非神超繫表思越機前豈能燭此微言若開
金石洞茲妙境曾靡榛蹊踰之以必薦示之
以如在使夫持論者不終泥於遙轍專謬者
無永沉於惑海預奉淵暮孰不懼肅裁此酬
白不申繫舞三僧孺呈

黃門侍郎王揖答

辱告惠示勅答臣下審神滅論夫昊蒼玄默
本絕言議性與天道固亦難聞而愛育之仁
依方感動開誘之教沿革降設矜局蛙於井

谷哀危囁於寸陰思發神衷言微理鏡引據
前經文約旨遠凝神杳翳一理能貫墳典紛
綸一言以蔽顯列聖之潛旨決終古之滯惑
存滅由斯而曉孝敬同茲而隆信足以警誠
重昏儀範百代所謂聖謩揚揚嘉言孔章者
也弟子既慙辯理彌惜知音遂得預聞道訓
頒覲妙藻式拚下陳永佩聖則弟子王揖和
南

吏部侍郎王泰答

一日曲蒙讌私預聞范中書有神形偕滅之

論斯人逕徒不近人情直以下才未能折五
鹿之角耳辱告垂示聖旨微引孝道發揚冥
致謹當尋誦永祛蒙惑弟子王泰頓首和南
侍中蔡傳答

辱告奉宣勅旨答諮神滅論夫神理玄妙良

難該辯雖復前聖眷言後英猶惑睿旨爰釋

皎若發蒙固以陵萬古而擅竒悟方來以不

朽伏奉朝聞載深拚躍謹以書紳永祛迷滯

蔡傳和南

建康令王仲欣答

仲欣白辱告惠示詔所答臣下神滅論伏讀
淵麗抃不勝躍皇帝睿性自天機神獨遠五
禮外照三明內朕金輪徐轉則道濟八紘玉
璣既陳則孝隆七廟開慧日於清漢垂法雲
於大千如在之義重闡茲晨常住之明永證
來劫故以德冠百王聲高萬古弟子棲心法
門崇信大典舞蹈之誠獨深是藻王仲欣和
南

建安王外兵參軍沈績答

弟子績和南垂示勅答臣下神滅論伏深欣

躍弟子竊惟道不自弘弘實由人人須其識
識須其位周易所稱聖人大寶曰位豈其意
乎然或位而不人或人而不位三者云備其
理至難故宣尼絕筆於獲麟孟軻反身於天
爵誠無其位也嗚呼真化殆將淪沒今天子
以仁聖盛明據至尊之位八十一蓋層山可以衆煦
飄其和不可移也鐘鼓可以雞犬亂其鳴不
可聞也將使慄慄黔首濟其長夜自非德合
天地誰能若斯弟子早沐虛風既聞之矣然
而鷓雀之集猶或相昏飛蓬之門尚自交構

聖旨爰降辭高理愜敷以人天之善誠以莫大之刑一言作訓內外俱闡夫以孺子入井凡民猶或傷之況乃聖慈御物必以隱惻爲心耶能指白馬之非白猶見屈於中庸至於神享機外志存弘化魍魎摧其頰舌焉足道哉神牘天貴本非窺觀遂能存示用慙寡德

弟子沈績和南

祠部郎中司馬筠答

辱告并垂示勅答臣下審神滅論伏讀周流式歌且舞夫識慮沈隱精靈幽妙近步無以

追凡情不能測外聖知其若此所以抑而不談故涉孔父其尚昏經姬公其未曙而碌碌之徒忘理信目錐畫管窺異見鋒起苟徇離賢之名遂迷霜露之實愚惑到此深可矜傷我皇道貫幽顯明踰日月窮天地之極以盡終始之與忌猶紫之妨薰朱器雉珉之亂鳳玉爰發聖衷降茲雅義信之以光揚妙覺拯厥沈泥近照性靈之極遠明孝德之本實使異學剪其邪心四方篤其羨慕謀以多幸預奉陶鈞沐澤飲和有兼慶躍流通曲被佩荷

彌深司馬筠呈

豫章王功曹參軍沈緝答

緝和南弟子竊以為交求之道必取與為濟
至於瀆蒙不告則空致憧憧儵魚之觀殆將
可息所以自絕諮受崇深莫窺誠自愧也徒

八

十二

以闇識因果循循局誠冀履霜不退堅冰可
至耳而法師弘心山藪幸能藏疾雖未升堂
遂招以法流社夷云召渴馬於滌泉不待鞭
策而至矣垂示上答臣下神滅論晨宵伏讀
用忘疲寢構斯法棟導彼迷流天屬既伸三

世又辨鬼神情狀於焉可求然謂海實廣廣
孰能知謂天蓋高高不可測聖論鈞深旨超
繫表蒙情易駘惡能是空銘末示終愧鑽仰
弟子沈緝和南

建安王功曹王緝答

惠示勅答臣下審神滅論竊以神一冥默歷
聖未傳宣尼猶稱不言莊生空構其語求之
方策歎昧交深謬覲今論天思淵發妙旨凝
深至理既弘孝機兼極信足超超萬古照燭
來今弟子生屬昌辰預覲聖藻既冰渙於懷

抱信曉惑於隨便凡厥靈知孰不鑽仰矧伊
蒙蔽激抃寔深王緝和南

右衛將軍韋叡答

至理虛寂寞晦難辯言有似無言無實有妙
於老談精於釋教辭炳金書文稽玉牒者由

八

十

來尚矣主上道括宇宙明並日月隱顯之機
必照有無之要已覽遂垂以明論訓折臣下
導誘既深訓義方洽凡在有心孰不慶幸蒙
示天製謹加讀誦垢吝雲消特兼懽抃法師
果深昔緣因會今法離五慾而入八解去三

界而就一乘復得預聞德音彌足欣讚惠告
沾及戰佩寔深韋叡和南

廷尉卿謝綽答

綽和南辱告蒙示勅答臣下審神滅論伏覽
淵謨用清魂府既排短說實啓羣疑竊惟人
生最靈神用不極上則知來藏往次乃隣庶
入幾以此觀之理無可滅是以臣儒伸其祀
事大慈照其生緣內外發明已足祛滯况復
天誨諄諄引諭彌博弘資始於黔黎導識業
於精爽固令開蒙出障坐測重玄異端既絕

正路斯反論者慙其墨守范氏悟其膏肓預
在有識孰不擊讚但弟子徒懷遊聖終惜管
窺頂奉戴躍永懼廕誘謝綽和南

司徒祭酒范孝才答

弟子孝才和南辱告逮示勅旨答臣下審神
滅論竊以彭生豕立名現齊公元伯纓垂事
高漢史且斬籌為喻義在必存神之不滅法
俗同貫欲滅其神內外成失所謂管窺穹極
寧辯西東蠱度滄溟安知髮髻天旨弘深慙
慙於妙象聖情隱惻流連於饗祭豈直經教

永樂北藏

弘明集

增隆實使蒙愚悟道眷逮所覃曲垂頒及銘
茲訓誘方溢寸心弟子范孝才和南

常侍王琳答

辱告惠示至尊答臣下審神滅論謹罄庸管
恭覽聖製聲溢金石理洞淵泉義貫六爻言
該三世足使僻學知宗迷途識反弟子生幸
休明身叨渥澤復得傾耳天上拭目神藻
攄之誠良無紀極猥惠頒逮銘躍唯重弟子
王琳答

庫部郎中何炯答

第一三七册

炯和南辱所賜書并垂示答臣下審神滅論
竊聞神其如在求前王而未測住常住其不
移徙伏膺而曉鑽仰淵秘渙爾氷開故知紛
綸聖跡不由一道參差動應本自因時今澆
流已息無明將啓物有其機教唯斯發篤孝
治之義明覺者之旨預有靈識誰不知慶豈
炎昊所得爭衡非軒唐所能競爽巍巍至德
莫或可名昭然大道於斯爲極何炯和南
豫章王圭薄王筠答
筠和南辱告垂示上答臣下審神滅論竊聞

儼然有見禮典之格言今則不滅法教之弘
旨但妙相虛玄神功凝靜自非體道者豈能
默領其宗不有知機者無由冥應其會聖主
迹同萬機心遊七淨哀愍羣生姬煦庶物滌
彼蓋纏昂以解慧祛其蒙惑濟之仁壽信大
哉爲君善於智度者也弟子世奉法言家傳
道訓而學淺行踈封累猶軫旣得塗粟聖教
預聞弘誘一音得解萬善可偕拊躍之情無
以譬說弟子王筠和南
倉部郎中孫挹答

辱告惠示勅答臣下審神滅論伏奉欣仰喜不自支夫江海淵曠非井蛙所達泊然入定豈外道能干故一毛不動則衆邪退散舟航既濟而彼岸斯登聖后體蘊二儀德兼三代撫靈機而總極秉上智以調民發號施令則風行草偃臨朝尊默而化動如神隆五帝以比蹤超萬劫其方永猶復震金聲於指掌降妙思以發蒙理既仰而方深趣彌鑽而踰遠均寶珠於無價齊蓮華之不塵孝敬被乎羣黎訓範侔於先聖歧行喘息同識斯惟翺飛

蠕動共陶茲慶班告未臨用深榮荷謹頂受書紳永啓庸惑弟子孫挹和南

丹陽丞蕭珍素答

辱告并伏見勅答臣下審神滅論性與天道稱謂理絕曠劫多幸猥班妙訓接足頂受懼敬載懷竊謂神道寂寞法海難邊是以智積麻葦而未測識了色塵而猶昧豈其庸末所能激仰然自慧雲東漸寶舟南濟歲序繇長法音流遠明君良宰雖世能宗服至於躬挹玄源親體妙極者竟未聞焉是使兩諦八解

獨闢皇言九部三藏偏蕪國學嗚呼可為歎
息者也竊尋神滅之起則人出樓伽經名衛
世雖義屈提婆而餘俗未弭故使羣疑異學
習以成見若不稟於先覺實終累於後生聖
上道濟天下機洞無方虎觀與龍宮并闕至
德與實相齊導故能符俗教而諦真道即孝
身以弘覺性照此因蒙拔茲疑網雖復牟尼
之柔軟巧說孔文之博約善誘曷以喻斯巍
巍乎十善已行金輪何遠法師稟空慧於曠
生習多聞於此運法輪轉而八部雲會微言

八十

十六

發而天人攝受故能播戒香於鳳闈藻學華
於宸側信矣哉能以佛道聲令一切聞者也
弟子無記釋藏不違孔門雖願朝聞終慙吝
薄庶緣無盡之法兼利人我耳疾塞甫爾心
慮惛悖謹力裁白不識詮次傾遲諮展親承
至教也弟子蕭珍素頓首和南

中書郎伏暉答

猥垂班示至尊所答臣下審神滅論伏奉淵
旨頓祛羣疑天情獨照妙鑒懸覽故非凡愚
所可鑽仰然常師管見亦竊懷往求今復稟

承教義遠尋經旨重規疊矩信若符契法師
宣揚廠理弘讚聖言方使二教同歸真俗一
致預得餐沐誨誘陶染至化抃擊下風實兼
舞蹈遲比誥覲乃盡襟誠臨白欣佩不知裁
述伏唯呈

八十

十七

五經博士賀瑒答

辱告垂示勅答臣下審神滅論鑽仰反復誦
味循環故知妙蘊機初事隔凡識神凝繫表
義絕庸情皇上睿覽通幽性與天道所以機
見英遠獨悟超深述三聖以導未曉標二事

以洗偏惑故係孝之旨愈明因果之宗彌暢
岷山粹典即此重彰涿水清教於茲再朗譬
諸日月無得踰焉弟子雖冥煩多蔽謬奉格
言研求妙趣猶知蹈舞法師宣揚至道光闡
大猷猥惠未及益增銘荷弟子賀瑒呈

太子中舍劉洽答

辱告奉覲勅旨所答臣下審神滅論伏披素
札仰瞻玄談文貫韶夏義測爰繫囊括典經
牢籠述作弘彼正教垂之方簡希夷卓爾難
得而聞斟酌賢聖剖破毫髮兼通內外之塗

語過天人之際矣自非體茲至德思與神會
豈能深明要道人知企及謹書諸紳永以爲
仰洽乎既入照若發蒙比故修詣共伸講復
也弟子劉洽頓首呈
五經博士嚴植之答

辱告伏見勅旨答臣下審神滅論夫形分涉
麤或微隱難悟況識理精密豈庸見能曉所
以斷常交驚一異競奔若中道居懷則欲流
可及二邊滯意彼岸長乖神滅之論斯障實
重仰賴聖主棟梁至教明詔爰發朗若披雲

非直冥符訓典俯弘孝義蓋妙達生源幽窮
行本使執禮之性踐霜露而彌篤研神之識
仰禪悅而增心皆當習忍慧途翻流惑海弟
子早標素心未知津濟伏讀懽欣充遍身識
猥惠存勗荷眷唯深嚴植之呈

果官舍人曹思文答

八十

十八

辱送勅書弟子適近亦親奉此旨范中書遂
迷滯若斯良爲可慨聖上深懼黔黎致惑故
垂折衷之詔此旨一行雖復愚暗之識了知
神不滅矣弟子近聊就周孔以爲難今附相

簡顧惠為一覽之折其詭經不尋故東展此
不多白弟子曹思文和南

秘書丞謝舉答

辱告惠示勅答臣下審神滅論竊聞語曰萬
物紛紜則懸諸天象立言清舛則折乎聖理
昭昭自古事蔚在茲伏尋叡訓垂文義深陶
鑄稱象匪臻希微孰識綸幽至極盡性窮神
愍斯六蔽哀此四執黜小言之亂道拯經行
於夷路旨肆而隱義死而彰博約載弘廣大
悉備一音半偈顯茲悟拔慧日止水蕩此塵

永樂北藏

弘明集

迷俾宗與有歸教思假在異端自杜誣善知
息凝繫表於繩初導禪流於苦海豈伊舍孕
三藏冠冕七籍而已哉弟子幸邀至運側承
格誘沐泳歡擊奉以書紳謝舉和南

司農卿馬元和答

八十

辱告頒示勅旨垂答臣下審神滅論竊聞標
機之旨非凡所窺符神之契唯仁是極故衆
教徘徊理詣於博善羣經委曲事盡於開濟
伏惟至尊先天製物體道裁化理絕言初思
包象外攻塞異端闡道歸一萬有知宗人天

十九

第一三七册

仰式信滄海之舟梁玄霄之日月也神滅之
論宜所未安何者前聖摛教抑引不同括而
言之理實無二易云積善之家必有余慶積
不善之家必有余殃孝經云生則親安之祭
則鬼享之雖未顯論三世其旨已著薪盡火
滅小乘權教妙有湛然究竟通說因情即理
理實可依且慎終追遠民德歸厚禮有國有
家歷代由之三才之寶不同降清神滅之爲
論妨政寔多非聖人者無法非孝悌者無親
二者俱違難以行於聖世矣弟子庸乏惜於

至道濫蒙頒訪所據凡淺荷揚之誠追以無
厝弟子馬元和和南

公論郎王靖答

垂示聖旨答臣下審神滅論伏惟至尊垂拱
巖廊遊心萬古居無棄日道勝唯機爰訪羣
下恢弘孝義睿藻淵玄理深樞極自非聰明
徇齊之君就日望雲之主豈有剖判冥寂明
章雅論闡大聖於須臾定俗疑於俄頃非唯
理測宸衷亦乃義切臣子含和飲德之邦衣
裳道素之域莫不傾首仁澤沐浴唐風弟子

江淮孤生不學無術雖復從師北面一經不明縱憶舊文豈伊髣髴五經紛紛事類弘博神明之旨其義多端至如金石絲竹之響公旦代武之說寧非聖旨且祭義而談尤為顯據若論無神亦可無聖許其有聖便應有神八十理且炳然豈容寂絕弟子所見庸淺無以宣揚至澤既涉訪逮輒率所懷弟子王靖和南太子中舍陸倕散騎侍郎陸任答

釋迦之教於是楊墨之黨古舉口張六師之徒轍亂旗靡言神滅者可謂學僻而堅南路求燕北轅首楚以斯適道千里而送聖上愍其迷途爰奮天藻鉤深致遠盡化知神俾此因蒙均斯冰釋陳茲要道同彼月照弟子並以凡薄沾竊息紀纓冕則天之朝滄捉稽古之論贊幸之誠獨知踊躍猥頒告逮謹用書紳陸倕呈

領軍司馬王僧恕答

辱告惠示勅旨答臣下審神滅論甚哉理之

大也斯寧寸管之所見言性之可聞而隨類
儻遇怡然蒙釋奉戴周旋以次以誦法師德
邁當今聲標萬古知十之談每會起予之寄
必酬想闡弘聖旨煥然雲消耶弟子學慙
螢識非通見何能仰贊洪輝宣猷妙範者歟
但論者執一惑之情循一往之轍固不可以
語大方焉知致遠恐必泥哉夫幽明之理皎
然不差因果相起義無獨立形滅自可以草
木為籌神明常隨緣而在所以左氏有彭生
豕見尚書則祖考來格禮云若樂九變人鬼

可得禮矣結草之報豈其逐滅元規所夢何
得無神神明不滅著之金口丘尼所說彌有
多據若文雖五千詩乃三百得其理者自可
一言而以蔽故不復煩求廣證夫三聖雖有
明教百家常置弘理而尚使狂簡斐然成章
攻乎屢作今皇明體照幽寂識周內外以前
聖之久遠感異端之妄興霈然爰發乃垂眷
翰使闡提一悟遂獲果通闡浮執惑豁然洗
滯沉復摛紳之士為益因其弘哉弟子塗道
無紀法師許其一簣遂能班逮神藻使得預

沐清風頂戴懽舞無以自譬哉銘兼深彌其
多矣弟子王僧恕頓首和南

五經博士明山賓答

辱告惠示勅旨答臣下審神滅論源深趣遠
豈鹿兔所測隨類得解或亦各欣其所見泰
以周旋不勝舞躍法師學冠一時道叶千載
起予之寄允在明德想弘宣妙旨無復遺蘊
耶弟子業謝專經智非通識豈能仰述淵猷
讚揚風教論者限以視聽豈達曠遠目覩百
年心惑三世謂形魄既亡神魂俱滅斯則既

違釋典復乖孔教矣焉可與言至道語妙理
者哉夫明則有禮樂幽則有鬼神是以孔宣
垂範以知死酬問周文立教以多才代終詩
稱三后在天書云祖考來格且濠上英華著
方生之論柱下叡括稱其鬼不神為薪而火
傳交臂而生謝八十此皆陳之載籍彰彰其明者
也夫緣假故有滅業造故無常是以五陰合
成終同煙盡四微虛構會均火滅竊謂神明
之道非業非緣非業非緣故雖遷不滅能緣
能業故苦樂殊報此能仁之妙唱措紳之所

仰也雖教有殊途理還一致今棄周孔之正文背釋氏之真說未知以此將欲何歸正法住世尚有斷常之說況像法末流而無異端之論有神不滅乃三聖同風雖典籍著明多歷年所通儒碩學並未能值皇上智周空有照極神源爰發聖衷親深神翰弘獎至教啓悟重昏令夫學者永祛疑惑眷逮不遺使得預餐風訓沐浴頂戴良兼欣戢明山賓和南通直郎庾黔婁答

孝經云生則親安之祭則鬼饗之樂記云明

則有禮樂幽則有鬼神詩云肅雍和鳴先祖是聽周官宗伯職云樂九變人鬼可得而禮祭義云入戶愾然必有聞乎其嘆息之聲尚書云若示三王有太子之責左傳云絲神化為黃能伯有為妖彭生豕見

八十

廿三

右七條弟子生此百年早聞三世驗以衆經求諸故實神鬼之證既布中國之書菩提之果又表西方之學聖教相符性靈無泯致言或異其揆唯一但以聖人之化因物通感抑引從急與奪隨機非會不言言必成務非時

不感感唯濟物而參差業報取捨之塗遂分
往還緣集淪悟之情相舛狎其小識晦茲大
旨滯親聞見莫辯幽微此榆枋所以笑九萬
赤縣所以駭大千故其宜也若斯之倫遂復
構穿鑿駕危辯鼓僞言煽非學是謂異端故
宣尼之所害也我皇繼三五而臨萬機紹七
百以御六辯勲格無稱道還淳粹經天緯地
之德左日右月之明皇王之所未曉羣聖之
所不備億兆之所宜通將來之所必至莫不
啗其玄波而達其幽致者也伏覽神論該冠

真俗三才載朗九服移心歧行蠢蠕猶知舞
蹈沉在生靈誰不撫卹弟子少缺下帷尤蔽
名理既符夙志竊深踊躍至如百家恢怪所
述良多搜神靈鬼顯驗非一旦般若之書本
明斯義既魔從所排輒無兼引自非格言孰
能取正略說七條皆承經典譬猶狄毫之憑
五嶽觸氏之附六軍敢瀝微塵祇增悚忤弟
子庾黔婁和南
太子家令殷鈞答
近辱告惠示主上所答臣下審神滅論性與

天道誠不得聞徒觀二諦兼通三聖俱闡片
言折妙半字合靈辭存五禮之中旨該六合
之外譬河海之紀地猶日月之麗天伏讀歡
愉魂影相慶何者弟子夙陶玄化及長不虧
常恐識業未弘中塗迴枉或端然靜念心翔
翔而靡薄或吐言設論時見屈於辯聰夫六
道甚夷而黎元好徑咸用此也今猥奉神旨
昭若發蒙且服且誦永為身寶數日來公私
牽挽還輒頓卧未即白答銜眷彌深殷鈞和
南

秘書郎張緬答

尋三世晒然二果昭著安可惑六塵而不曉
迷五塗而長沒以為形謝神滅骸亡識朽此
外道之邪見豈可御瞿曇之正法所謂輕陳
一旅敵堂堂之鋒輒馳駕駘與騏驎而並行
恐長劫有盡領蟲方至一身死壞復受一身
精神無異人畜隨緣涅槃明文瑞應高說主
上聖照幽深鏡察潭遠譬而祭而知不滅喻
妄作於背親義隨八引而行入言比性道而
難聞弟子少遊弱水受戒樊鄧師白馬寺期

法師屢爲設生死之深趣亟說精神之妙言
爾來歸心絕此疑想復覩斯判益破魔徒非
但聞覲於今方欲結緣於後徒知歸信聞比
求名猥惠沾示深承眷篤弟子張緬和南
五經博士陸璉答

八十

廿五

璉白逮告垂示勅答臣下審神滅論伏讀天
旨照鏡塵蒙弟子門宗三寶少奉道訓雖誠
歸至教職暗玄津謹尋內外羣聖開引殊文
如來說三乘以標一致言二諦以悟滯方先
王詮五禮以通愛敬宣六樂以導性靈或顯

三世以徵因果或明誠感以驗應實豈可頓
排神源永絕緣識者哉若則善惡之報虛陳
祭敬之設爲妄求之情理其可安乎而昧惑
之徒尚多偏執是以聖明玄覽遊神妙門動
言出理皎若朝暉發文顯證朗如宵燭頓足
開建愚昏懼信凡鄙者也伏習詔旨綜檢心
源謹裁還白不宣并舞弟子陸璉呈
揚州別駕張翻答
辱告伏見勅答臣下審神滅論感旨窮機微
言合道生知出六儒之首自然該十聖之外

至如感果之規理照三世孝饗之範義貫百
王妙會與春冰等釋至趣若秋旻共朗足使
調闡變情桀跖移志反澆風於遂古振溔波
手方冊英聲茂實粵不可尚法師精理之秀
恒高日下俱沐聖化獨遊神明深鑒道蘊洞
識宗途弟子昔聞師說悟太傳之旨今偶昌
時奉不滅之訓信以照括希蒙紓洗塵蓋足
蹈手舞言豈能勝張翻和南
太子左率王珍國答
辱告伏見勅答臣下神滅論神之不滅經典

明文即心語事皎然在理論有神滅實所駭
歎天照淵凝妙旨周博折彼異端弘茲教理
信可以朗悟冥塗棟梁千載矣伏覽權嚴
深固極比故詣展遲獲咨伸王珍國呈
領軍將軍曹景宗答

八十

廿六

枉告所宣答神滅勅理周萬古旨包三世六
趣長迷於此永悟五道恒疑曉若發蒙自非
鑒第八解照伴十號排周逸俗安得如此奉
佩書紳敢違寢食法師識踰有境學誦無生
揄揚之善煥如東里披翫周環用忘所疾曹

景宗白

光祿勳顏繕答

猥枉明誥頒述勅旨審神不滅以答臣下理
據眊然表裏該妙所以慧現獨宣舟梁含氣
夫目所不覩惟屏爲隔耳所不聞遐邇致擁
不得以不聞不見便謂無聲無物今欲詰內
教當仗外書外書不殊內教茲現書云魂氣
無所不之佛經又曰而神不滅既內外符同
神在之事無所多疑疑其滅者即蜉蝣不知
晦朔蟪蛄之非春秋寧識大椿之永久日月

永樂北藏

弘明集

之無窮主上聖明超古微妙通神三世之旨
有證孝饗之理斯光蒼生管見已晦而復曉
晚俗淪冥既迷而更悟弟子宿植逢幸預從
餐道投心慈氏歸敬誠深唯屏來緣可期載
懷愚藻而已弟子顏繕呈

五經博士沈宏答

八十

廿七

弟子宏稽首和南辱告伏覽勅答臣下審神
滅論夫唯幾難曉用晦言勿昏自非凝神斯鑒
探賾斯朗豈能拯重象於有感豈能運獨見
於無明竊惟大聖御宇上德表物垂法雲以

第一三七册

湛潤開慧日而增暉遠比溟海近譬并幹粵
今遂古孰能識乎此焉至如經喻崔飛瓶在
火滅字存禮云非類弗歆祭乃降社且夢蘭
以授鄭穆結草以抗杜回凡此羣列不可悉
紀又五道迤往六度同歸皆神之顯驗不滅
之幽旨但却克躡足豈從邯鄲比蹤盧敖捷
至寧與若士齊跡今仰隆天璫俯逮闡提所
謂若披重霧以攀合璧出幽夜而眇燭龍短
綆爰汲望瀾覘海實歡喜頂戴若無價寶珠
沈宏稽首和南

建康平司馬駸答

辱告惠示勅難滅性論竊以慈波洪被道冠
衆靈智照淵凝理絕羣古七禪八慧之辯三
空四諦之微故以煥乎載籍炳於通詰也所
以優陀云喻如百首齊音同讚妙覺尚不能
言萬分之一矣夫業生則報起因往則果來
雖義微而事著亦理幽而證顯自近可以知
遠尋邇可以探遐譬如日月懸天無假離朱
之目鳴鐘在耳不勞子期之聽而議者自昏
迷途難曉苟徇所懷坐顛坑穽伏覽皇上令

旨理妙辭縟致極鉤深究至寂而更闡啓幽
途以還晰雖復列聖齊鏡羣經聯奧靈山金
口禪冰玉舌終不能捨此以求通達茲而得
正信哉深江漢之波塵滓汗以滌導德齊禮還
風反化法俗兼通於是乎在付此言展方盡

述讚弟子司馬聚呈

左丞丘仲孚答

伏覽勅旨答臣下審神滅論聖照淵深句括
真俗理超繫表義貫羣識鑽奉神猷伏深舞
蹈惠示載存眷丘仲孚白

永樂北藏

弘明集

弘明集卷第十

音釋

疇烏賄切 瘡烏賄切 毒烏瓜切 邈未各切 曠吉了切
瘡痛 毒水蒸 邈遠也 曠明也
緄古本切 彛余支切 洗洗蘇切 戢古側切
人名 彛常也 洗洗馬 戢官名
切 彪皮怒切 翽翽小飛也 眈章忍切 弭莫禮切
水流貌 翽翽小飛也 眈章忍切 弭莫禮切
許晚古切 鑣甲送切 也

第一三七册

永樂北藏

弘明集

第一三七册